

# **REFERAT MIA - Meeqqanut Ilaqutariinnullu Ataatsimiititaq d. 09-05-2019**

**Mødedato** Torsdag d. 09. maj 2019 kl. 18:00

**Mødested** Kommunalbestyrelsit ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Pitsaaliuineramik aamma ikiorsiissuteqartarnermik immikkoortoqarfiit inissisimaffii.....	7
Aalajangiiffissat.....	11
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu in	12
Nakkutilliinermiit nalunaarusiat, Meeqqat angerlarsimaffiat Tupaarnaq.....	13
Inatsisartut Ombudsmandianit nakkutilliinermiit nalunaarusiaq, Meeqqat angerlarsimaffiat Tupaarna	16
Taasariaqartut allat.....	19
Oqaluuserisassat matoqqasut.....	20
Imaqarniliap akuerineqarnera.....	21

## **Punkt 0: Saqqaa**

### **Ilaasortat:**

Uju Petersen (IA), siulittaasoq.

Rasmine Geisler (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

### **Beslutning**

Najuupput: Justus Hansen (D) - Uju Petersenimut (IA) sinniisutut, Charlotte Ludvigsen (IA) - Rasmine Geislerimut (IA) sinniisutut, Inge Olsvig Brandt (IA) aamma Ane Egede Mathæussen (S).

Oqarasuaatikkut peqataavoq: Henrik Rachlev (IA) - Knud Mathiassenimut (IA) sinniisutut.

## **Punkt 1: Oqaluuserisassat akuerineqarneri**

### **Beslutning**

Oqaluuserisassat akuerineqarput.

## **Punkt 2: Nalunaarutit**

2A. Siulittaasumit nalunaarutit

2B. Ingerlatsivimmit nalunaarutit

### **Beslutning**

2a. Nalunaarutissaqartoqanngilaq

2b. Tasiilami suliniutit kiisalu attaveqaqatigiinneq pillugit ilisimatitsissut, Lars Damkjær

### **Punkt 3: Ilisimatitsissutit**

## **Punkt 03A: Pitsaaliuinermik aamma ikiorsiissuteqartarnermik immikkoortoqarfiit inissisimaffii**

### **Beslutning**

Ilisimatitsissut tusaatissatut tiguneqarpoq, Ane Egede Mathæussenip (S) oqaaseqaatigaa: Nutaamik sanaartoqarsinnaanera eqqarsaatersuutigineqassasoq, kiisalu aningaasaliivigisassanngorlugu sanaartugassatut kissaateqartoqassasoq.

### **Bilag**

Iserittilsyn blokCogD.pdf

C-Overslag-Dog-C\_27665\_KAL.docx

## **Pitsaaliuineramik aamma ikiorsiissuteqartarnermik immikkoortoqarfiit inissisimaffii**

Pitsaaliuineramik aamma ikiorsiissuteqartarnermik neqeroorutit pioreersut pillugit allamut inissiineq pillugu ilisimatitsissut

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

Ilaqutariinnik ikiorsiissuteqartarnermi suliniutaareersut aamma Siusissukkut iliuuseqarneq aammalu qimarnguik kiisalu paaqqutarinninnerup kingorna inissiat annertusitinneqassapput.

Tamanna najukkami katitigaanerannut ajornartorsiortitsivoq. Taamaattumik atuineq pillugu allannguuteqartitsinissaq siunnersuutigineqarpoq imatut ilillugu:

Ivaaq aamma Kuserneq Kongevejimi Blok C-miit aamma D-miit K1-imut Aqqusinersuup tungaanut nuunneqassapput

Qimarnguik Sipisaq Kujalleq 7A-miit Tuujummut nuunneqassaaq aamma paaqqutarinninnerup kingorna init, inuusuttunut ineeqqat, ingerlaavartumik Iserit-mit aqunneqassapput.

Qanorluunniit aaqqiissutissamik aalajangiisoqaraluarpuunniit iluarsaassisoqarnissaa aammalu atortunik allannguisoqarnissaa pisariaqartinneqassaaq.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigivaa:

- meeqqanut Ilaqutariinnullu Ataatsimiititap pitsaaliuineramik aammalu ikiorsiissuteqarnermik neqeroorutaareersut aammalu nutaat allamut inissinneqarnissaannik ilisimatitsissut tusaatissatut tigussagaa.
- ilisimatitsissut Aningaasaqarnermut Inuusutissarsionermullu Ataatsimiititamut tusaatissatut ingerlateqqinneqassasoq.

### **Suliamik saqqummiussineq**

2018-imi ukiakkut missingersuutit suliarineqarneranni Kommunalbestyrelsimit Pitsaaliuinermut Ikiorsiissuteqarnermullu tunngasunik allannguutissat arlallit akuersissutigineqarput. Taakkununnga ilaqutariinnik ikiorsiissuteqartarnermut aammalu siusissukkut iliuuseqartarnermut tunngasut (Ivaaq aamma Kuserneq allatut aaqqiivigineqarnerat) nutaamik qimarnguittaarnissaq/Nuummi arnat persuttagaasut taakkulu qitornaannut angerlarsimaffik ikiorsiissuteqarfiusup pilersinneqarnissaa ilaapput kiisalu inuusuttunut ineeqqat 15-it perorsaanermik imalik, paaqqinniffimmeereernerup kingornatigut neqeroorutaasoq.

Ivaaq aamma Kuserneq massakkut Kongevejimi Blok C-mi aamma Blok D-mi inissisimapput. Ivaaq aamma Kuserneq immikkut 9-nik inissiaateqarput.

Ivaami ilaqutariit pisariaqartitsisut najugaqarlutik ikiorserneqarnissamik neqeroorfigineqarsinnaapput nukarlequtaasa marlunnik ukioqalernissaata tungaannut. Tamakku saniatigut Ivaaq Siusissukkut iliuuseqarneq pillugu suliat assigiinngitsut aqqusaarlugit suleqatigiinnermut ilaavoq saniatigullu ilaqutariinnik siunnersuineq aamma/imaluunniit angerlarsimaffimmi ilaqutariinnut 92-inut ikiorsiissuteqarneq ingerlatalarlugit.

Kuserneq ilaqutariinnut marlunniit ukiulinnik qitornalinnut sammitinneqarpoq, aamma annerusumik ilaqutariinnut Nuummi najugaqanngitsunut illoqarfigisaminni allatut ikiorserneqarnissaminnik pisariaqartitsisunut atorneqartarpoq.

2019-ip ukiuata affaani siullermi pilersaarutaavoq Ivaaq aamma Kuserneq kattutsinneqarlutik ataatsimoortinneqarnissaat, ilaqutariinnut 17-inut ikiorsiissuteqarfiusunngorlugu inissaqartoq. Tamakku saniatigut Siusissukkut iliuuseqarneq pillugu immikkoortortaqarfik pilersinneqassaaq,

ilaqutariit namminneq angerlarsimaffiini ilaqutariinnut ikiorsiisarneq tapersersuinerlu aallutarineqassapput.

Blok C aamma D sulil arlalinnik ajornartorsiutitaqarput:

- Naqqup ataaniit tipiliornerluaq, qitsuit sivisuumik najugaqarfigisimammasuk. Naak assigiinngitsunik iliuuseqartoqartaraluartoq tamanna allanngortinneqarsinnaasimanngilaq.
- Siusinnerusukkut oqoqarsimanagera sulisunut ajornartorsiortitsivoq.
- Ataatsimut isigalugit illut taakkua ingitseriaannaasutut nalilerneqarput.

Sipisaq Kujalleq 7A-mi massakut qimarnguusoq ilaqutariinnut 4-nut ineeqqani inissaqarpoq, amerlasuutigut ilaqutariit arlallit inimi ataatsimiitarlutik. 2019-imut missingersuutini nutaamik qimarnguiliornissaq akuerineqarpoq. Qimarnguimmi nutaami ilaqutariinnut 6-8-nut inissaqassaaq saniatigullu ikiorsiissuteqarnermik sullissinermut initaqassaaq arnanut taakkulu meeraannut. Meeqqanut Ilaqutariinnullu Ingerlatsivik neqeroorfigineqarpoq Qimarnguik Aqqusinersuarmi K1-imut majuartarfeqarfiani pilersinneqarsinnaanera pillugu, taanna Kommuneqarfik Sermersuumit ukiuni 10-ni attartornissamik isumaqatigiissuteqarfigineqarpoq. Majuarterfeqarfimmiippat inissiat ataatsimik initalit 4-t, marlunnik initalit 7-it kiisalu 3-nik initalit 6-it. Meeqqanut Ilaqutariinnullu Ingerlatsiviup inissiat attartornerannut akiliutaasartut qanoq annertutiginerat sulil ilisimanngilaa. K1-imi inissiat qimarnguittut atorineqarnissaat pillugu arlalinnik unammisassaqarpoq:

- Qimarnguuiup inissianit 17-iusunit inissiat 6-8-t atortussaavai
- Qimarnguimmut aqputaa asserneqarsinnaanngilaq, elevatorqarmat
- Inissiat arlallit angisuujupput taamaattumillu attartornermut akiliutissat aamma taamaannissaat naatsorsuutigineqarsinnaavoq.

Kingulleq ajornartorsiorfiusinnaavoq, qimarnguimmut inissiisarneq nukinginnartumik pisarmat, ikiorsiissutaagallartoq nammineq akiligassaq, arnat meeqqallu inuiaqatigiinni sumiluunniit inissisimasunut inissaqartitsisussaavoq. Taamaattumik inimik attartornermut akiliutit sapinngisamik appasinnerpaaffianiitinneqarnissaat kissaatigineqarpoq.

#### *Aaqqiissutissatut siunnersuut – suliatigut naliliineq*

Ingerlatsiviup siunnersuutigivaa, inissisimaffiit allanngortiteneqassasut, ininut tunngasunik ajornartorsiutigineqartunut aaqqiissutaasumik, suliniutip annertusinera ilutigalugu ajornartorsiutaasunut.

Ivaaq aamma Kuserneq K1-imut inissinneqassapput.. Taamaaliornikkut angerlarsimaffik ikiorsiissuteqartarfiusoq periarfissinneqassaaq, ilaqutariinnut 17-inut inissalik, inissianik assigiinngitsunik angissusilinnik periarfissaqartitsisoq. Taakkua saniatigut Siusissukkut iliuuseqarnermut immikkoortoqarfik K1-imut inissinneqassaaq inissiamilu ataatsimik initalimmi allaffeqarluni.

Qulaani pineqartut Blok C-mik aamma D-mik pisariaqartitsiunnaartitsissapput.

Siunnersuutigineqarpoq, qimarnguissaq Tuujummi sanaartukkani nutaani inissinneqassasoq.

Ilanngullugu Ingerlatsiviup siunnersuutigivaa, inuusuttunut ineeqqat aamma paaqqutarinniffeereernerup kingorna ikiorsiissuteqarnermi inissiat ISERIT aqqutigalugu inissiaaersuniit agguanneqassasut.

#### *Aningaasatigut sulisoqarnikkullu naliliinerit*

Kongevajimi initalit (Blok C aamma D) iluarsaanneqassagaluarpata tamanna minnerpaamik 2,5 millioner koruuninik naleqassagaluarpoq, ajornartorsiutaasut tipi oqullu kiisalu killilimmik aaqqiissutaanerat eqqarsaatigalugu. Taamaattumik qulaani initalit agguataarneqarnerat pineqartoq naapertuunnerusutut nalilerneqarpoq.

*Inatsisitigut tunngavissaq allakkallu tunngaviusumik uppersaatitallit*  
2019-imut missingersuutit

*Ingerlariaqqinnissaq*

Suliaq Meeqqanut Ilaqutariinnullu Ataatsimiititami tusaatissatut tiguneqareerpat, taanna Aningaasaqarnermut Inuussutissarsiornermullu Ataatsimiititamut ingerlateqqinneqassaaq ilisimatitsissutitut.

**Aningaasaqarnermut Allatseqarfimmit oqaaseqaatit**

**Ingerlatsivinniit allaniit oqaaseqaatigineqartut**

Siunnersuut Sanarfinermut Avatangiisinullu Ingerlatsivik peqatigalugu suliarineqarpoq.

**Ilanngussaq**

1. Iserit-ip Blok C-mik aamma D-mik misissuina
2. Iserit-ip akinut missiliutai

## **Punkt 4: Aalajangiiffissat**

### **Beslutning**

Soqanngilaq

**Punkt 5: Suliat Aningaasaqarnermut Inuussutissaqarnermullu  
Ataatsimiititamut Kommunalbestyrelsimullu ingerlateqqitassat**

## **Punkt 05A: Nakkutilliinermi nalunaarusiat, Meeqqat angerlarsimaffiat Tupaarnaq**

### **Beslutning**

Inassuteqaat akuerineqarpoq.

### **Bilag**

Endelig tilsynsrapport Tupaarnaq marts 2019 selvstyre.pdf

# **Nakkutilliinermi nalunaarsiat**

Meeqqat angerlarsimaffiat Tupaarnaq

Ilisimatitsissut

J.nr.: 42-00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

## **Suliassamik eqikkaaneq**

Kommunip Nuummi meeqqanut angerlarsimaffiutaa Tupaarnaq ukiup aallartinnerani nakkutilliartorfineqarsimavoq Isumaginninnermut Inatsisinillu Atuutsitsinnermut Naalackersuisoqarfimmiit. Nakkutilliinermik ingerlatsivimmiit nakkutilliartoreernerup kingorna piumasagaatinik innersuussutinillu tunniussaartoqarpoq. Piumasagaatigineqarpoq najugaqartut marluk iliuusissamik pilersaarusiorfigineqarnissaat isumagineqassasut kiisalu Tupaarnami ammanerusumik angajoqqaat peqataatinneqarnissaannut sullissisoq akuutinneqassasoq piumasagaatigineqarpoq, taamaalilluni ataasiakkaanut peqatigiinnissamik isumaqatigiissusiordermi peqataasalersinnaaqullugit. Taakku saniatigut najugaqartut tamarmik nammineq iniminni namminerlu siniffiminni sinittarnissaat sulissutigineqassasoq innersuussutigineqarluni. Nakkutilliisoqarnerani uparuaatit tiguneqartut meeqqat angerlarsimaffiani aqutsisunit ingerlatsivik isumasiorneratigut isumagineqassapput.

## **Inassuteqaatit**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- meeqqat Angerlarsimaffianik Tupaarnamik nakkutilliisimaneq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat ilisimatitsissutitut ingerlateqqinneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

## **Suliassamik saqqummiussineq**

Kommunip Nuummi meeqqanut angerlarsimaffiutaa Tupaarnaq ukiup aallartinnerani nakkutilliartorfineqarnissamik Isumaginninnermut Inatsisinillu Atuutsitsinnermut Naalackersuisoqarfimmiit ilimasaarneqarsimavoq.

Meeqqat Angerlarsimaffiat Tupaarnaq meeqqanik inuusuttunillu nalinginnaasumik silassorissusilinnik inuuniarnikkulli ajornartorsiortunik arfinilinniit 18-inut ukiulinnik tiguisarpoq, sivitsuinissarlu periarfissaatinneqartarpoq. Tupaarnaq Meeqqanut immikkoortortaa meeqqanut arfiniliit 12-inut ukiulinnut arfinilinnut inissaqarpoq, Inuusuttunullu immikkoortortaa inuusuttunut 12-iniit 18-inut ukiulinnut pingasunut inissaqarluni.

Meeqqat Angerlarsimaffiat 18-ileereersimasunik tigummiqarsinnaavoq, tassa meeqqap sungiusimasaminiiginnarnissaa meeqqamut pitsaanerpaajusoq qulaajaanermi nakkutilliinermilu paasinarsisimatillugu. Meeqqamik inissiineq piffissami sivikitsumi imaluunniit sivisunerusumi pisinnaavoq.

Isumaginninnermut Inatsisinillu Atuutsitsinnermut Naalackersuisoqarfimmiit (tamatum kingorna nakkutilliinermik ingerlatsivik) siumut nalunaaruteqareernikkut nakkutilliartortoqarpoq. Nalinginnaasumik nakkutilliartorneruvoq immikkut isiginiagaqarfiunngitsoq Nakkutilliinermik ingerlatsivimmiit naliliineq nakkutilliartorneq sioqqullugu, nakkutilliartornermi kingornalu paasissutissaatinit assigiinngitsunit tunngaveqarpoq.

Nakkutilliinermi uku pineqarput:

- Immikkoortortami aqutsisup forständerillu ilisarititsinertalimmik ataatsimeeqatigineqarnerat.
- Sulisut pingasut apersorneqarneri/oqaloqatigineqarneri.
- Najugaqartut marluk oqaloqatigineqarneri.
- Illuutiniq misissuillunilu takornariarneq
- Paarlaannermi/ullaakkut ataatsimiinnermi najuunneq
- Inaarutaasumik ataatsimiinneq, angerlarsimaffiullu pisortaa peqatigalugu eqikkaaneq

*Aaqqiissutissatut siunnersuut – suliatigut naliliineq*

Nakkutilliisoqarnerani pingaarnertut inerniuliunneqarpoq, Tupaarnaq tassaasoq paaqqinniffik kulturimut tunngasunik toqqammavilik. Meeqqat angerlarsimaffiat arfinilinnik perorsaasunik sulisoqarpoq, sullinneqartunillu misilittagaqarluartunik arlalinnik sulisoqarluni. Aalajaatsunik piumasuseqartunillu sulisoqarnera malunnarpoq, aamma akunnerminni najugaqartunullu annertuumik ataqqinninneq atuulluni.

Nakkutilliinermik ingerlatsivimmiit nakkutilliartoreernerup kingorna piunnaasaqaatinik innersuussutinillu tunniussaqaartoqarpoq, taakkulu iliuusissamik pilersaaruserfigineqassapput. Piunnaasaqaatit innersuussutinillu ukuupput:

- Najugaqartut marluk iliuusissamik pilersaaruserfigineqarsimanngimmata isumagineqassasut piunnaasaqaatigineqarpoq
- Tupaarnami ammanerusumik angajoqqaat peqataatinneqarnissaannut sullissisoq akuutinneqassasut piunnaasaqaatigineqarpoq, taamaalilluni ataasiakkaanut peqatigiinnissamik isumaqatigiissusiornermi peqataasalersinnaaqqullugit.
- Najugaqartut tamarmik nammeneq iniminna hamminerlu siniffimminni sinittarnissaat sulissutigineqassasut innersuussutigineqarpoq.

Tamatuma sanitigut Nakkutilliinermik ingerlatsiviup nakkutilliartornera allatigut oqaaseqaatissarsiffigineqanngilaq.

#### *Aningaasatigut sulisoqarnikkullu naliliinerit*

Nakkutilliinermi nalunaarusiami erseqqissarneqarpoq, meeqqat angerlarsimaffiani Tupaarnami meeqqanut pitsaanerpaamik atugassaqaartitsinissamut sulisut pisariaqartinneqartut pisariaqartunillu piginnaasaqartut pigineqartut.

#### *Inatsisitigut tunngavissaq allakkallu tunngaviusumik uppersaataitallit*

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 19, 24. novembari 2017-imeersoq.

Meeqqat tapersorsorneqarnissaannut Inatsisartut inatsisaat nr 20, 26 juni 2017-imeersoq §§9-11

#### *Ingerlariaqqinnissaq*

Nakkutilliisoqarnerani uparuaatit ikittunnguit tiguneqartut meeqqat angerlarsimaffiani aqutsisunit ingerlatsivik isumasiorneratigut isumagineqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatitsisoqarsimanngilaq.

#### **Ilanngussaq**

1. Nakkutilliinermi nalunaarusiat Isumaginninnermut Inatsisinillu Atuutsitsinermut Naalakkersuisoqarfimmeersut

# **Punkt 05B: Inatsisartut Ombudsmandianit nakkutilliinermi nalunaarusiaq, Meeqqat angerlarsimaffiat Tupaarnaq**

## **Bilag**

Bilag 1.pdf

# Inatsisartut Ombudsmandianit nakkutilliinermit nalunaarussiaq

Meeqqat angerlarsimaffiat Tupaarnaq

Ilisimatitsissut

J.nr.: 42.00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

## Suliassamik eqikkaaneq

Meeqqat angerlarsimaffiat Tupaarnaq Inatsisartut Ombudsmandianit ilimasaaruteqareernikkut nakkutilliivigineqarpoq. Nakkutilliinerup kingorna oqaaseqaatissaqanngilaq, taamaallaat pissaanermik atuineq pillugu inatsimmik sulisut tigusinerminnut uppersaarnissaat taavalu najugaqartut angajoqqaatullu oqartussaassuseqartut naammagittaalliornissamut periarfissaqarnerat pillugu ilisimatinneqarnissaat qulakkeerneqartassasoq annikitsumik peqqusissutit pineqarput, Pissaanermik atuineq pillugu inatsimmi § 27 immikkoortoq II innersuussutigalugu. Peqqusissutit Meeqqat angerlarsimaffiani aqutsisunit tusaatissatut tiguneqarput.

## Inassuteqaatit

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamut inassuteqaatigaa:

- meeqqat Angerlarsiaffianik Tupaarnamik nakkutilliisimaneq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut ilisimatitsissutit ingerlateqqinneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

## Suliassamik saqqummiussineq

Nuummi kommunip Meeqqanut angerlarsimaffiutaa Tupaarnaq ukiup aallartinnerani Inatsisartunut Ombudsmandimit ilimasaaruteqarnikkut nakkutigisaavoq.

Meeqqat Angerlarsimaffiat Tupaarnaq meeqqanik inuusuttunillu nalinginnaasumik silassorissusilinnik inuuniarnikkulli ajornartorsiortunik arfinilinniit 18-inut ukiulinnik tiguisarpoq, sivitsuinissarlu periarfissaatinneqartarpoq. Tupaarnaq Meeqqanut immikkoortortaa meeqqanut arfiniliit 12-inut ukiulinnut arfinilinnut inissaqarpoq, Inuusuttunullu immikkoortortaa inuusuttunut 12-iniit 18-inut ukiulinnut pingasunut inissaqarluni.

Meeqqat Angerlarsimaffiat 18-ileereersimasunik tigungmiaqarsinnaavoq, tassa meeqqap sungiusimasaminiiginnarnissaa meeqqamut pitsaanerpaajusoq qulaajaanermi nakkutilliinermilu paasinarsimatillugu. Meeqqamik inissiineq piffissami sivikitsumi imaluunniit sivisunerusumi pisinnaavoq.

Ombudsmandip nakkutilliartornissaa pitinnagu oqarasuaatikkut aamma allakkatigut ilimasaarutigineqarpoq. Aammattaaq nakkutilliartorneq pitinnagu angerlarsimaffik najugaqartullu pillugit allakkatigut atugassat Ombudsmandimut tunniunneqarput. Nakkutilliinerup nalaani nakkutilliartortut pisortaasoq immikkoortortaqarfimmilu aqutsisut marluk kiisalu sulisut tallimat najugaqartullu sisamat oqaloqatigineqarput. Nakkutilliartortutaaq angerlarsimaffiup initai alakkarterpaat.

## *Aaqqiissutissatut siunnersuut – suliatigut naliliineq*

Meeqqat angerlarsimaffiat Ombudsmandimit pitsaasutut isigineqarpoq najugaqartullu toqqissisimanartumik angerlarsimaffippalaartumik avatangiiseqarnissaat Tupaarnami aqutsisunit pingaartinneqartoq naliliiffigineqarlutik, taavalu najugaqartut eqqarsaatigalugit pissaaneq atorlugu iliuuseqartarnek sapinngisamik killilimmik iliuuseqartarlutik. Sulisut isumassuilluartaupput, peqqissaarussilluartaupput tunniusimalluinnartuullutillu. Init eqqiluitsuupput, kusanarlutik nuannerlutillu.

Ombudsmandip nakkutilliartornerata kingorna oqaaseqaatissaqanngilaq, taamaallaat pissaanermik atuineq pillugu inatsimmik sulisut tigusinerminnut uppersaarnissaat taavalu najugaqartut angajoqqaatullu oqartussaassuseqartut naammagittaalliornissamut periarfissaqarnerat pillugu ilisimatinneqarnissaat qulakkeerneqartassasoq annikitsumik

peqqusissutit pineqarput, naleqqiuguk Pissaanermik atuneq pillugu inatsimmi § 27 immikkoortoq II.

*Aningaasatigut sulisoqarnikkullu naliliinerit*

Nakkutilliinermut nalunaarusiat marluusut naapertorlugit meeqqat angerlarsimaffianni Tupaarnami pisariaqartitaminnik sulisoqarpoq, eqqortunik piginnaasalinnik taavalu meeqqat pitsaanerpaanik atugassinniarlugit eqqortunik pikkoriffeqartunik.

*Inatsisitigut tunngavissaq allakkallu tunngaviusumik uppersaatitallit*

Meeqqat tapersorsorneqarnissaannut Inatsisartut inatsisaat nr 20, 26 juni 2017-imeersoq §§9-11 Inatsisartut ombudsmandiat pillugu Inatsisartut inatsisaat nr. 7, 1. juni 2017-meersoq

*Ingerlariaqqinnissaq*

Peqqusissutit Meeqqat angerlarsimaffianni Tupaarnami aqutsisunit tusaatissatut tiguneqareerput.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

**Ilanngussa**

1. Inatsisartut Ombudsmandianit nakkutilliinermut nalunaarusiaq

## **Punkt 6: Taasariaqartut allat**

### **Beslutning**

Henrik Rachlev (IA): Ataatsimiinnissami kikkut peqataassanersut sinniisussaartoqassanersorlugu tamatigut erseqqissarluarneqartassasoq kissaatiginarpoq.

## **Punkt 7: Oqaluuserisassat matoqqasut**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq 15.05